

[www.BibleForChildren.org](http://www.BibleForChildren.org)


# Mataayo 8



Baloo da tamiige daa wana losona gu khaboo yaamu  
gu Kanaa da hhapee da Galilaayage. Iyoo da Yeesu  
yaa wana te'esii, slime Yeesu sliimaa haa sirakoomiisee  
dosi digaa kwahhasuusi losonakeesii gu khabooge.



Qatlay difaay giyaa iliifaakidi, iyoo dosi Yeesu gi kaadi sa ina tuba, “Hida hhanki digii afiifaaki difaay.” Iyoo dosi Yeesu gi kaadi sa yondimiisee tuba, “Idoo sangoo kaayiye ha ina, unkuray yondiida.”



Yeesu gi kaay sa yondimiisetee tuba,  
“Hacimisa ma'ay sibeedoo hhakesii.” Inay  
gi hacimisiri sibeedoo hhakee ma'ay rawaa  
naqatloo. Da hhe'esi, Yeesu sigigi kaay inay  
tuba, “Inkoo, slagwaw coko/o, leehhisa sa  
nankuay.” Teesaaqay, inay gii  
slagwiri haa gi leehhisiri sa  
nankuay.



Nankuay gi slipa/adi ma'ay hhakee dingii fooki gi difaay tleehhidiri. Ina yaa caahhiiba difaaytee daqa giyaa dahhade, yondimiisee gwaa hiislagwee ma'ay hhakee daay fooki yaa caahhiri tlaatleesoo dooina.



Te'esii gi eteedi looimoo gu khaboo, sugugi kaay tuba, "Kila heedi goó/ísima losona, yoóti giyaadisi gesaa hadisa difaay da hhoi.

Da hhe'esi, qatlay hida  
gií ilii kitahhaniri khisla,  
ina yaaasu hiioy  
difaayta'a daa  
hhaca'adi. Ugu  
hanti meesidi  
difaay da hhoi  
inkoo naqatloo!"



Hii naa gimba gu pandaa gu baka'asa  
Yeesu giyaa yondiidi, yade yaamu gu  
Kanaa da Galilaayage. Ina  
yaa hiitlaa'asi wanqamee  
dosi, sirakoomiisee dosi  
gugi/imbiri.



Yeesu giyaa ilii day mara gu Peetiroge,  
te'esii yaa arimi kumbo'oo da Peetiro hii  
qati buburuuge, mama/ada hari khisla.



Te'esii Yeesu gigi ilii hadakay, gi nangusi daba gosi,  
ga/aykee kosi gii caaquudi. Ina ginaa iliitlaydi, gi tosaa  
yonditi sa inay.




Qatlay letu giyaa ilii huhaahu'ude, hida yaagi  
tlaatleesiri leehhimisu daqa Yeesuge ga'lidee dooina  
haa hida wa'a daa ilii  
khaabaa'amidi ha gieeri.  
Gu lou, hida goõ gu  
tongotee yaa  
hiikurunkuridiri  
efeenaa da  
marakeseii daa  
iliwane Yeesu.



Te'esii Yeesu gi hhoeemisi hida wa/a gwaa koomee ga/ay paslaapasloo, kara gii ca/amisi gieeri wa/a. Te'esii yaa qayiiba mucu sa gieeri, ma cocoiri, sa gimba inay giyaa khuiyay ina na miyaa.



Hida goō gwaa slaiyay nangumisu, sa gimba/uuru gosi  
yaay cacaacaī, tay gi tosaa hhoeemisi hida goō.



Qatlay Yeesu giyaa ilii kakaakane te'esii, hida wakinay yaagi leehhisiri heedi waku gwaa tingara/uudu, duguma hhoeesi ha Yeesu. Heedikee ha hida cigahha nugwaa geregediri hari fala.



Inkoo, hida hhakee digiraa  
slanqadi hari dawaraa heedikee  
marage daqa Yeesuge, sa  
gimba gu raqatira da hida  
daa qiqincidi te'esii.



Da hhe'esi, gii dadayri rawaa  
gu pembeege, gi cihhiri muci  
daqatiray loii daa iliwane  
Yeesu, gii/eetisiri heedikee  
gwaa tingara/uudu, tay hii  
qaati falage.



Qatlay Yeesu giyaa ilii arimi /imba da didiri da hida  
hhakee, gi kaay sa heedikee  
gwaa tingara/uudu tuba,  
“Nankoy, tlakwaroo doogu  
sliimaa dagaā  
ilamooyimi!”

“Suguū kaay, tlayii,  
oyii fala doogu,  
la waauta ayage!”



Da hhe'esi, Yeesu yaa hiiday masuwaage sliimaa haa sirakoomiisee dosi, gi waaudiri haa ina. Yu'udiyaa! Te'esii tlawage daagii cañ ilafahhiya da didiri hari khisla, masuwatee yaati naahhadi aloo hiihhanta tlawage.

Teesaaqay see, Yeesu yaati qaati alunge.



Yeesu gi kaay sa inay tuba, “Sii so'oyi  
tla'amuumutiri teesaaqay? Inkoo naqatloo kahhadaaii,  
ti kontay /imbaraa narabu daqa dooii!” Da hhe'esi,  
Yeesu gi qadidi, gi tosaa ilijoo' ilafahhiyatee da dihhi  
haa gondadee hhakee gu deni.  
Cirakiray lenge ilafahhiyatee gi  
kaanahhasidi sumuku.  
Te'esii inay gi bakairi  
hari khisla, hingigi  
tlaatleesiri maamisu

inay haa inaytuba, “Yu'udaa!  
Hii kara ti miyaa? Gunti  
ilijoo'u ilafahhiya haa  
gondadee gu tlawa da didiri  
see, gugi akhasiri ina.”



Iliitleemu yaa slai hida gu khooroo, ina  
yaati amoolaa hadisi Nankosi gu leẽ,  
kila heedi goó/imbá ina, ma may  
hhama, ina hiti slaye slafimaa  
gu koraraa haa koraraa  
goóba hiifaakoo.



Waruumi 3:23 Hida goō hiī yondiidiri tlakwaroo haa yoó afariibukudiyayi wanqamee da Iliitleemu.

Waruumi 6:23 Gu lou, bueemaa gu tlakwaroo ti gwaa ' araa. Sawaadii doó hadisiye ha Iliitleemu ti ibinaa da koraraa gooba hiifaakoo hari amoo da ilagaasaraa haa Kristu Yeesu, Looimoo goori.

Waeburaaniyaa 9:27 Iliitleemu gooay, idoo giyaa ilii ilakuukhu ' usi, hida sliimaa ti kakaīyay waa leē kilesi, da hhe 'esi ina gigi hukuna inay.

Waefeeso 2:8,9 Unkuray dangwaati ilabu 'umi ha Iliitleemu hari hhoinay gosi gu didiru, hari amoo da /mbaraa dooguna Yeesu Kristu. Gimbaki yaatii caī hari amoo da maguuma doogunaaba, haā ti idoo sangoó qaye ha Iliitleemu hari ihīī 'i. Kara, hari amoo da yondu googunaaba guhhou, heedi lensee hingimaa baatii giiduubi.



Waruumi 10:9,10 Sa gimba, bere kaada hari afa googu loi tuba, “Yeesu ti Looimoo gu Goō,” haa gi iliipa 'anta muuna googuu tuba, Iliitleemu gwaa slafisi ina ayisago, dugu ilabu ' una. Heedi yoóti/imbí Yeesu hari muuna gosi, sa gimbakee Iliitleemu gu tosaa faadi kona ibinaa daa tafa ' adi pandaa dosii. Kara, yoóti kaay hari afa gosi, dugu tosaa ilabu ' una.

Yohaana 3:16,17 Iliitleemu yaa slai hida gu khooroo, ina yaati amoolaa hadisi Nankosi gu leē, kila heedi goó/imbá ina, ma may hhama, ina hiti slaye slafimaa gu koraraa haa koraraa goóba hiifaakoo. Iliitleemu yaati ya/abiiba Nankosi khoorooge, ma hukumi khooroo. Ina gwaati ya/abi, hari amoo dosi khooroo dagama ilabu ' umi.



1 Yohaana 5:11-13 Ilatlawatee na nahaā tuba, Iliitleemu sindii hadisi slafimaa gu koraraa haa koraraa goóba hiifaakoo, kara, slafimaa hhakee wanay daqa Nankosii. Kila heedi gu kooma Nanku Iliitleemu, hikee kona slafimaa hhanki gu koraraa haa koraraa goóba hiifaakoo. Ina guba Nanku Iliitleemu, hikee konaaba slafimaa hhanki gu koraraa haa koraraa goóba hiifaakoo.  
Ana sangu handikiikima gimbaki sa unkuray, goó/ímbanee uma gu Nanku Iliitleemu, ma caahhadiri tuba, unkuray kontay slafimaa gu koraraa haa koraraa goóba hiifaakoo.



Mataayo 8-9; Maariko1-2, 4; Luuka 4, 8;  
Yohaana 2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: E. Frischbutter; Sarah S.

Burunge Bible (bds) © (Active), Wycliffe Bible Translators,  
Inc. All rights reserved.

<https://www.bible.com/en-GB/bible/2304/MAT.1>

©2024 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

